

ԱՐՄԵՆ ՀԱՐՈՒԹՅՈՒՆԻ ՏԵՐՏԵՐՅԱՆ

1953 թ. հոկտեմբերի 6-ին, երկարատև հիվանդությունից հետո, վախճանվեց Հայկական ՍՍՌ Գիտությունների ակադեմիայի իսկական անդամ, ակադեմիկոս գրականագետ, Վ. Մ. Մոլոտովի անվան Երևանի Պետական համալսարանի դասախոս, ֆիլոլոգիական գիտությունների դոկտոր-պրոֆեսոր Առսեն Հարությունի Տերտերյանը:

Պրոֆեսոր Տերտերյանը մոտ կես դար իր բեղմնավոր գրչի ի սպաս է դրել հայագիտության զարգացմանը, հայ գրականագիտությունը հարստացնելով մի քանի տասնյակ մեծարժեք ու հմտալից ստեղծագործություններով: Նա, միաժամանակ, երկար տարիներ պաշտոնավարելով Երևանի Պետական համալսարանում, պատրաստել է գրականագետ կադրերի մի ամբողջ սերունդ:


Պրոֆ. Ա. Հ. Տերտերյանը ծնվել է 1882 թ. Հեռնային Ղարաբաղի Շուշի քենդ գյուղում, որտեղ ստացել է իր տարրական կրթությունը: Այնուհետև նա տեղափոխվում է Շուշի և սովորում Աուշու հայկական սեմինարիայում:

1902 թ. ավարտելով միջնակարգ կրթությունը, նա գալիս է էջմիածին և Գևորգյան ճեմարանում շարունակում իր ուսումը: 1905 թվականին ավարտում է ճեմարանի լսարանական-մասնագիտական բաժինը և, վերադառնալով Շուշի, նշանակվում հայկական սեմինարիայի ուսուցիչ:

Բնական է, որ Գևորգյան ճեմարանը իր սահմանափակ գիտելիքներով չէր կարող գոհացնել հարցասեր և ուսման ծարավ երիտասարդի պահանջները: Բարձրագույն ուսումը Ռուսաստանի կենտրոնական քաղաքներից մեկում շարունակելու համար, նա մեկնում է Ռուսաստան և Պետերբուրգում երկու տարի (1907—1908 թթ.) լսում Պսիխո-նեվրոլոգիական ինստիտուտի դասընթացը, որը դժբախտաբար չի կարողանում ավարտել նյութական ծանր պայմանների հետևանքով և հարկադրված է լինում վերադառնալ Շուշի, շարունակել ուսուցչական պաշտոնը:

Ռուսաստանյան այդ երկու տարիները Տերտերյանին կապում են ռուսական քննադատական մտքի խոշորագույն ներկայացուցիչներ Բելինսկու, Չերնիշևսկու և ուրիշների ստեղծագործությունների հետ:

1909 թվականին Ա. Տերտերյանը գալիս է Երևան և նշանակվում Երևանի թեմական դպրոցի ուսուցիչ, որտեղ պաշտոնավարում է մինչև



Հայաստանում սովետական կարգերի հաստատումից 1920 թ. հիմնադրվում է Երևանի Պետական համալսարանը։ Ա. Տերտերյանը դառնում է նրա առաջին դասախոսներից մեկը ու այնուհետև իր ամբողջ կյանքը կապում է համալսարանի ու Երևանի այլ բարձրագույն ուսումնական հաստատությունների հետ, երկար տարիներ ղեկավարելով համալսարանի ֆիլոլոգիական ֆակուլտետի հայ գրականություն ամբիոնի աշխատանքները։

Հայաստանում Սովետական իշխանություն հաստատման քսանամյակի առթիվ Սովետական Հայաստանի կառավարությունը Ա. Տերտերյանին շնորհում է գիտություն փաստակափոր գործչի կոչում, իսկ Հայաստանում սովետական կարգերի հաստատման քսանհինգամյակի օրերին՝ Սովետական կառավարությունը նրան պարգևատրում է Աշխատանքային կարմիր Դրոշի շքանշանով։

Հաջվի առնելով սովետահայ գրականություն ասպարեզում նրա ունեցած բեղմնավոր գործունեությունը, 1942 թ. համալսարանի գիտական խորհուրդը նրան շնորհում է ֆիլոլոգիական գիտությունների դոկտորի գիտական աստիճան։

1943 թվականի նոյեմբեր ամսին ՍՍՌՄ Մինիստրների Սովետի որոշմամբ հիմնադրվում է Հայկական ՍՍՌ Գիտությունների ակադեմիան։ Պրոֆեսոր Տերտերյանը դառնում է Ակադեմիայի առաջին իսկական անդամներից մեկը և եռանդուն կերպով մասնակցում Ակադեմիայի գիտահետազոտական աշխատանքներին՝ որպես Մ. Արեղյանի անվան Գրականության ինստիտուտի ավագ գիտական աշխատող։

Պրոֆ. Ա. Տերտերյանին իր գրականագիտական գործունեությունն սկսել է գեոևս ուսսական առաջին սեույուդիայի տարիներին՝ 1905 թվականին հանդես գալով մամուլում հայ գրականությունը նվիրված քննադատական հոդվածներով։ 1910 թվականից սկսած լույս են տեսնում նրա մի շարք ծավալուն աշխատությունները՝ Միքայել Նալբանդյանի (1911), Շիրվանզադեի (1911), Հովհաննես Հովհաննիսյանի, Մուրացանի, Նար-Դոսի, Վահան Տերյանի, Հովհաննես Թումանյանի և այլ հայ գրողների մասին։

Ինչ խոսք, որ նրա այս շրջանի ստեղծագործություններն իրենց վրա կրում են ժամանակի իդեալիստական էսթետիկայի, հատկապես գերմանական հոգեբանական գաղափարների որոշակի ազդեցությունը, սակայն, միաժամանակ պետք է նշել, որ Տերտերյանի վերոհիշյալ ուսումնասիրությունները հայ քննադատական մտքի մեջ նորություն էին նրանով, որ հակադրվելով տրադիցիոն լիբերալ գրականագիտությունը, գնահատում, արժեքավորում էին հայ գրականության գեմսկրատական հատվածի գրական ժառանգությունը։

Առաջին անգամ Տերտերյանն է, որ բնա արժանավույն գնահատել ու բարձրացրել է Մուրացանին ու Նար-Դոսին, որպես խոշոր ռեալիստ գրողներին։

Ա. Տերտերյանի գիտական գործունեությունը լայնորեն ծավալվում է Հայաստանում սովետական կարգերի հաստատումից հետո, երբ գիտությունը տարբեր բնագավառներում աշխատող մասնագետների համար ստեղծագործական լայն հնարավորություններ են ապահովվում։ Ա. Տերտերյանը մանկավարժական-դասախոսական աշխատանքին զուգընթաց մեծ եռան-

դով նվիրվում է գիտական աշխատանքի, պարբերական մամուլում հրատարակելով բազմաթիվ հոդվածներ:

Այդ տասնամյակում է, որ նա ձեռնարկում է հայ գրականության պատմության դասընթացն ստեղծելու գործին:

Իսկ 1922 թ. Հայաստանի Պետական Հրատարակչությունը ձեռագրի իրավունքով հրատարակում է Երևանի Պետական համալսարանում Տերտերյանի կարգադրած դասախոսությունների սղագրության առաջին պրակը, որտեղ նոր մեկնարանություններ կայացվում էր հայ նոր գրականության սկզբնավորությունը և քննության առնվում Խ. Արուստյանի, Պ. Պոռշյանի, Բաֆֆու, Սունդուկյանի, Ծերենցի, Շիրվանզադեի ստեղծագործությունները: Հետագայում Տերտերյանը Հեռակա մանկավարժական ինստիտուտի և Պետական համալսարանի լեզվաբանական ֆակուլտետի համար գրում է հայ գրականության պատմության առաջագրությունները, որոնք կարող են կազմել մի սովոր հատոր:

Վերահիշյալ առաջագրությունները, ըստ էության, հանդիսանում էին հայ գրականության պատմության դասընթացի առաջին սիստեմատիկ շարադրանքը սովետական պայմաններում, այլ խոսքով, հայ գրականության պատմության մարքսիստական գնահատման առաջին փորձը:

Պրոֆ. Տերտերյանը քննադատաբար օգտագործելով նախասովետական տարիների լիբերալ և դեմոկրատական գրականագիտության ստեղծած նվաճումները, քննադատական մոտեցում ունենալով նաև իր սեփական սխալներին նկատմամբ, հայ գրականության պատմության այդ դասընթացում փորձում էր հեղինակների աշխատությունները քննության առնել հասարակական-քաղաքական պայմանների ֆոնի վրա, ցույց տալ դրանց սերտ կապը ժողովրդի հետ, ողբական և համաշխարհային գրականության նվաճումների հետ:

1941 թվականին լույս է տեսնում պրոֆ. Տերտերյանի մի ձեռագրում մոնոգրաֆիկ աշխատությունը, նվիրված Խաչատուր Արուստյանին, աշխատություն, որի մեջ երևում է անվանի գրականագետի լայն իրազեկությունը ոչ միայն Արուստյանի հետ կապված բոլոր հարցերին, այլև ամբողջ հայ գրականությանն ու համաշխարհային գրականությանը, մասնավորապես նրա լավ իրազեկությունը ողբական առաջավոր մտքին:

Պրոֆ. Ա. Տերտերյանի գիտական գործունեությունը նոր թափ է ստանում Հայրենական Մեծ պատերազմի տարիներին: Ի պատասխան գերմանա-ֆաշիստական զավթիչների ոտնձգությունների, մեծ գիտնականը լարում է իր բոլոր ջանքերը, որպեսզի գիտությունը ծառայեցնի սովետական ժողովուրդների պայքարին՝ ընդդեմ գերմանա-ֆաշիստական հորդանների: Այդ է վկայում հատկապես այն փաստը, որ Տերտերյանը այդ տարիներին գերազանցապես փորձում է վեր հանել հայ գրողների ստեղծագործության այն կողմերը, որոնք անմիջապես արձագանքում էին օրվա հուզող հարցերին և պատասխանում ուղիղ ազդեցության պահանջներին: Բոլոր այդ հարցերից ամենից կարևորներն էին հայրենասիրության և ժողովուրդների բարեկամության գաղափարները: Տերտերյանը գրում է «Սունդուկյանը և ժողովուրդների բարեկամությունը», «Հ. Թումանյանի հայրենասիրական պոեզիան», «Ազատության Աղայանը և ժողովուրդների հե-

րոսությունը, «Ալիշանը և հայրենասիրությունը», «Հայրենասեր կինը» Ծերենցի երկերում և այլն:

Վերոհիշյալ աշխատությունները գրված են ջերմ շնչով, հայրենասիրական վարակիչ հուզականությամբ, մի բան, որը վկայում է նրանց հեղինակի սոցիալիստական վառ հայրենասիրության ու հաղթանակի նկատմամբ անսահման հավատի մասին: Նույն այդ տարիներին Տերտերյանին գրադեցնում է ոռոս և հայ ժողովուրդների զրական կապերի գիտական բացահայտումը: Նա հրատարակում է մի քանի արժեքավոր աշխատություններ, նվիրված այդ կարևոր հարցին: Դրանցից հիշատակենք «Վալերի Բրյուսովը և հայ կուլտուրան», Իսկինսկուն նվիրված ընդարձակ մոնոգրաֆիան, Կոխլովին նվիրված աշխատությունը և այլն:

Պրոֆ. Տերտերյանը այդ տարիներին գրում է երկու ընդարձակ աշխատություն, անմահ երգիծարան Հակոբ Պարոնյանի և Երվանդ Օտյանի մասին:

1944 թվականին Վ. Մ. Մուրտուլի անվան Երևանի Պետական համալսարանը հրատարակում է պրոֆ. Տերտերյանի աշխատությունների մի ընդարձակ ժողովածու՝ «Հայ կյանքի» վերնագրով, բաղկացած 900 էջից, որտեղ գետեղված են հեղինակի մի շարք կարևոր երկերը, այդ թվում նաև այնպիսի ծավալուն աշխատությունները, ինչպես «Պարոնյանի գեղագիտական հայացքները», «Մուրացան», «Նար-Դոս», «Երվանդ Օտյանի ստեղծագործությունը», «Թումանյանի հայրենասիրական պոեզիան», «Հակոբ Հայկոբյանը և մեր օրերը» և այլն:

Պրոֆ. Ա. Տերտերյանի վերոհիշյալ աշխատությունները իրենց վիճելի կամ սխալ որոշ գրություններով հանդերձ, աչքի են ընկնում փաստական հարուստ նյութով, հեղինակի բազմակողմանի ու խորը իրազեկությամբ ամբողջ հայ գրականության ու համաշխարհային կուլտուրային: Ի տարբերություն նախորդ երկու տասնամյակների ստեղծագործությունների, որտեղ Տերտերյանը գեղարվեստական աշխատությունների վերլուծման ժամանակ շեշտը դնում էր գերազանցապես սոցիոլոգիական հարցերի վրա, հաճախ տուրք տալով վուլգար սոցիոլոգիային, վերջին տարիների ստեղծագործություններում նա առանձնահատուկ ուշադրություն է դարձնում հայ գրողների երկերի գեղարվեստական առանձնահատկությունների բացահայտման վրա, երևան բերելով այն նորը, ինքնատիպը, որով այս կամ այն գրողը գրավում է իր տեղը հայ գրականության պատմության մեջ:

Պրոֆ. Տերտերյանը վերջին տարիներին իր ուժերը նվիրել էր Շիրվանզադեի և Պոռչյանի մասին ընդարձակ մոնոգրաֆիաներ գրելու աշխատանքին: Նրանց երկուսի մասին էլ նա թողել է ծավալուն և հմտալից մենագրություններ:

Պրոֆ. Տերտերյանի մահով մենք կորցրինք սովետահայ գրականագիտության խոշորագույն ներկայացուցչին, որի հիշատակը հավերժ անմար կմնա նրա հազարավոր աշակերտների և ամբողջ ժողովրդի սրտում:

ԲԻԲԼԻՈԳՐԱՖԻԱ

ՊՐՈՖ. Ա. ՏԵՐՏԵՐՅԱՆԻ ՏՊԱԳԻՐ ԱՇԽԱՏՈՒԹՅՈՒՆՆԵՐԻ (ՈԶ ԼՐԻՎ)

1. Վահան Տերյան, ցնորքի ծարավի և հաշտության երգիչը, Թիֆլիս, 1910, 105 էջ:
2. Միքայել Նալբանդյան, աղղության հրապարակախոսը, Ալեքսանդրապոլ, 1910:
3. Հովհաննես Թումանյան, Հայրենի եղևրքի ընթերցումը, Վաղարշապատ, 1911, 84 էջ:
4. Շիրվանդադե, հայ ընտանիքի և ինտելիգենտի վիպասանը, 30-ամյա զրական գործունեության առթիվ, Թիֆլիս, հրատարակություն «Գեղարվեստ» հանդեսի, 1911, 198 էջ:
5. Հովհ. Հովհաննիսյան, սիրո և կարեկցության երգիչը, 30-ամյա հորեկյանի առթիվ (1882—1912), Երևան, 1912, 104 էջ:
6. Մուրացանը որպես մտածող և ղեկավար, Գրական-քննադատական ուսումնասիրություն, արտատպություն «Շողեր» ժողովածուից, Պետերբուրգ, 1913, 139 էջ:
7. Նար-Գոսի ստեղծագործությունը, Գրական-քննադատական ուսումնասիրություն, «Նոր հոսանք» № 2, 3, 4, Թիֆլիս, 1913:
8. Ավետիք Արասխանյան, «Նոր հոսանք», № 1, 2, 3 և 4, Թիֆլիս, 1914:
9. Հայոց նոր զրականություն, Համառոտ դասընթաց, Պետական Հրատարակչություն, Երևան, 1922:
10. Կատողություններ մեր գյուղագիրների մասին, ՀՍՖՍՀ Պետական համալսարանի Գրական տեղեկագիր, № 2—3, 1927:
11. Նալբանդյանի զրական հայացքները, «Նոր—ուղի», գիրք 4, 1929:
12. Մերենց, Տեղեկագիր ՀՍՖՍՀ Գիտության և արվեստի ինստիտուտի, № 4, 1929:
13. Հայոց նոր զրականության պատմություն, 19—20 զգ., Երևան, Պետական համալսարանի հրատ., Առաջագրություն № 1—8, 1930:
14. Հայոց նոր զրականության պատմություն, 19—20 դարեր, Առաջագրություն № 1—8, հրատ. Երևան Հեռ. մանկ. ինստիտուտի, Երևան, 1931:
15. Ջավախեցին իբրև գյուղագիր, Առաջարան, Ջավախեցի «Պատկերներ» զրքի, Երևան, 1930:
16. Հակոբ Պարոնյանի ստեղծագործությունը, Հ. Պարոնյանի երկերի լիակատար ժողովածուի 1-ին հատոր, Երևան, 1931:
17. Գրական ոճի սոցիոլոգիան, «Նոր ուղի» № 1, 1929:
18. Մի քանի խոսքեր վանդ Օտյանի մասին, Երվանդ Օտյան, Երկերի ժողովածու, Երևան, 1935:
19. Մուրացանը իբրև գյուղագիր, Մուրացան, Ընտիր երկեր, հատ. 1-ին, Երևան, 1936:
20. Երվանդ Օտյան, «Սոցիալ. գրակ.» № 3, 1937:
21. Հայոց նոր զրականության պատմություն, 19—20 դարեր (սղագրական դասախոսություն), Երևանի Պետական համալսարանի հրատարակչություն (1—8 սլրակ), Երևան, 1938—1939:

- Պրակ 1. Վ. Փափազյան
 Պրակ 2. Հ. Հովհաննիսյան
 Պրակ 3. Հ. Թումանյան
 Պրակ 4. Ա. Մատուրյան
 Պրակ 5. Ա. Իսահակյան
 Պրակ 6. Շ. Կուրդիյան
 Պրակ 7. Հ. Հակոբյան
 Պրակ 8. Վ. Տերյան

22. Գևորգ Մարգարեանին իբրև պատմական վեպ, «Գրական թերթ», 1939, հունիսի 20:
23. Նալբանդյանի էսթետիկան, Պետ. համալսարանի գիտ. աշխատ., հատ. 10, 1939:
24. Պուշկինը հայ զրականության մեջ, Պետ. համալսարանի գիտական աշխ., հատ. 10, 1939:
25. Գևորգ Մարգարեանին իբրև պատմական վեպ, Մուրացան, Ընտիր երկեր, հատ. 3:
26. Հայ նոր զրականության հիմնադիրը, «Սովետ. գրակ.» № 4, 1941:
27. Նալբանդյանը որպես պոլեմիստ, «Գրական թերթ», 1941, ապրիլի 20:

28. Պարոնյանի զեղադիտական հայացքները, «Սովետական դրականություն» 2, 3, 5—6, 7, № 1, 1941:
29. Արովյանի ստեղծագործությունը, Վ. Մ. Մոյսեսովի անվան Երևանի Պետական համալսարանի հրատարակչություն, Երևան, 1941, 388 էջ:
30. Ալիշանը և հայրենասիրությունը, «Սովետ. դրակ.» № 3 և 4, 1942:
31. Հայրենասեր կինը Ծերենցի վեպերում, «Սովետ. դրակ.» № 5—6, էջ 140—148, № 7, 1942:
32. Հայ հայրենասեր գրողներ (երկու դիմագիծ). 1. Հովհ. Թումանյանի հայրենասիրական պոեզիան. 2. Ղ. Աղայանը և ժողովրդական հերոսությունը, Երևանի Պետ. համալսարանի հրատարակչություն, 1942:
33. Սունդուկյանը և ժողովուրդների բարեկամությունը, «Սովետ. դրակ.» № 1, 1943:
34. Հակոբ Հակոբյանը և մեր օրերը, «Սովետական դրականություն» № 8, 9, 1942:
35. Հայ կլասիկներ, Վ. Մ. Մոյսեսովի անվան Երևանի Պետական համալսարանի հրատարակչություն, Երևան, 1944:
36. Վ. Բրյուսովը և հայ կուլտուրան, Երևան, 1944, 173 էջ:
37. Ռուս մեծ առակագիր Բանաստեղծը. կոլլեկտի մահվան 100-ամյակի առթիվ, 1944, 118 էջ:
38. Կոլլեկտը հայ դրականության մեջ, «Սովետ. Հայաստան», 1944, նոյեմբերի 21:
39. Սովետահայ պատմավեպը (գրախոսական Ստ. Զորյանի «Պապ թաղավորը» վեպի մասին), «Սովետ. Հայաստան», 1945, հուլիսի 28:
40. «Ռուզան», «Սովետ. Հայաստան», 1945, նոյեմբերի 31:
41. Զոհրապի արվեստը, Հայկական ՍՍՌ ԳԱ-ի «Տեղեկագիր» (Հաս. գիտություններ) № 8, 1946, էջ 3—30:
42. Շիրվանզադեն որպես երգիծաբան, Սովետական դրականություն և արվեստ, № 2, 1946, էջ 200—225:
43. Շիրվանզադեի տիպական արվեստը, Հայկական ՍՍՌ ԳԱ-ի «Տեղեկագիր» (Հասարակական գիտություններ) № 8, 1946, էջ 3—30:
44. Շիրվանզադեի «Արհավիրքի օրերին» դրաման, «Գրական թերթ», 1946, մայիսի 20:
45. Շիրվանզադեի տիպերի էպոխան, Հայկ. ՍՍՌ ԳԱ-ի «Տեղեկագիր» (Հաս. գիտ.) № 2, 1947, էջ 3—27:
46. Շիրվանզադեն որպես դրամատուրգ, «Սովետական Հայաստան, ամսագիր», № 8—9, 1946:
47. Փիլիսոփայական խոհը Հովհաննիսյանի ստեղծագործության մեջ, «Սովետական դրականություն և արվեստ» № 1—2, 1946:
48. Շիրվանզադեի լեզուն և ոճը, Հայկական ՍՍՌ ԳԱ-ի «Տեղեկագիր», 1947, 35 էջ:
49. Շիրվանզադեն և մեր օրերը, «Գրական թերթ», 1947, փետրվ. 23:
50. Նար-Դոս (ծննդյան 80-ամյակի առթիվ), «Ավանդարդ», 1947, մարտի 1:
51. Վ. Գ. Բելինսկի—ռուս մեծ քննադատ հրապարակախոսը, մահվան 100-ամյակի առթիվ, 1848—1948, Վ. Մ. Մոյսեսովի անվան Երևանի Պետական համալսարանի հրատարակչություն, Երևան, 1948, 584 էջ: